



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

De Lvcedio Et Sancti Salvatoris Abbatibus Papiensibus.

urn:nbn:de:hbz:466:1-20006

cum Christianis haec tenus prævalere, cum Sarracenis, ut prælibavimus, nititur opprimere Christianos, universis procedentibus contra eos in hac nequicia perdurantes illam concedimus veniam peccatorum quam in defensionem terræ orientalis transfretantibus indulgemus. Per Siciliam enim subveniri poterit facilis terra sanctæ: quæ si (quod ab sit) in Sarracenorum potentiam deve nireret, nulla de cetero recuperationi Hierosolymitanæ provinciæ fiducia remaneret. Nos autem dilectum filium C. tituli sancti Laurentij in Lucina Presbyterum Cardinalem apostolica sedis Legatum, & venerabiles fratres nostros Neapolitanum & Tarentinum Archiepiscopos in regni subsidium cum copioso exercitu destinamus. Mementote igitur opprobrij totius regni, quod vobis à cunctis gentibus exprobatur, scilicet quod ceterius totum regnum fuerit occupatum quam una soleat civitas occupari. Quid ergo dicetur de servo, cum de domino id dicatur? Eritis enim de cetero, nisi fideliter persistatis & resistatis potenter, opprobrium hominum & abjectio plebis & ludibrium gentium & fabula populo rum. Datum Laterani VIII. Kal. Decembris.

PIPIONI CLERICIO.

Epiſt. 112. **C**um à nobis peritur &c. usque ad verbum affenu, personam tuam cum omnibus bonis tam ecclesiasticis quam mundanis &c. usque ad verbum suscipimus. Specialiter autem præbendam sancti Georgij de Canacero, sicut eam justè possides & quietè, auctoritate tibi apostolica confirmamus &c. Nulli ergo &c.

In eundem modum pro Azone Subdiacono super Ecclesia sancti Sylvestri de Roncalia.

DE LVCEDIO ET SANCTI
Salvatoria Abbatibus Papiensibus.

Epiſt. 113.
Vt monasterium S. Columbani instau-

Iam saepius nostrum pulsavit audirum quod monasterium sancti Columbani Bobiensis & in spiritualibus usque adeo sit collapsum, & in temporalibus etiam diminutum, quod nisi per auxilium divinæ gratiæ, nostræque solicitudinis interventu, vix speretur ipsius reparatio proventura. Et quoniam instantia nostra quotidiana est secundum Apostolum omnium Ecclesiarum solicitude continua, nec omnes possumus persona-

liter visitare, majoribus occupati, nostras vobis vices in hac parte duximus committendas, concessa vobis plenaria potestate corrigendi tam in capite quam in membris quæ fuerint corrigenda, & puniendo per censuras ecclesiasticas, si qui vobis contumaces extiterint & rebelles. Quocirca discretioni vestrae per apostolica scripta mandamus quatenus ad dictum cœnobium pariter accedentes, super statu ipsius inquiratis plenius veritatem, & Deum habentes præ oculis, sine personarum acceptione quicquid ibidem inveneritis corrigendum, requisito consilio venerabilis fratris nostri Episcopi Bobiensis, nostra freti auctoritate, remoto appellationis obstaculo, corrigatis: cujus electum si minus utilem inveneritis ad regimen abbacie, sine prejudicio tam Episcopi quam etiam monasterij ejus resignatione recepta, talem ibidem pastorem per electionem canonicam instituere procuretis qui & prodesse noverit & præesse; attenius provisuri ut mandatum apostolicum taliter exequamini quod solicitudo vestra debeat in Domino commendari. Datum Laterani.

BOBIENSI EPISCOPO.

Acedens ad apostolicam sedem dilectus filius electus sancti Columbani Bobiensis de te in auditorio nostro graviter est conquestus, quod cum monasterium sibi commissum à tempore beati Gregorij ad Romanam Ecclesiam usque ad moderna tempora pleno jure spectaverit, tu occasione cuiusdam sententiae à felicis recordationis Eugenio Papa prædecessore nostro contra monasterium ipsum per Abbatis illius temporis imperitiam vel fraudem forsitan promulgatae, quam bona memoria L. Papa successor ipsius postea confirmavit, Bobiensi Ecclesie abbatiam ipsam niteris subjugare: de cuius possessionibus & redditibus cum episcopium & canonica dicta sint pariter & dotata, non videbatur consonum rationi ut cum iactura temporalium rerum, libertatis etiam sua dispendium pateretur, & cœnobium, quod prius ad Romanam Ecclesiam nullo pertinuerat mediante, postquam ibi factus fuit Episcopus multitudine fidelium excrescente, subjectum fieret Ecclesie Bobiensi. Post hanc autem divisionem monasterium idem, sicut prius

Epiſt. 124.
De libertate
monasterij S.
Columbani.

Vide To. IV.
Ital. fac. pag.
1396.